

Lescha davart la promoziun da la transformaziun digitala en il Grischun (LTD)

Dals [Data]

Relaschs tangads da questa fatschenta (numers dal DG)

Nov:	???.???
Midà:	932.100
Aboli:	–

Il cussegl grond dal chantun Grischun,

sa basond sin l'art. 31 al. 1 da la constituziun chantunala¹⁾,
suenter avair gè invista da la missiva dals²⁾

concluda:

I.

Art. 1 Intent e finamiras

¹⁾ Questa lescha ha l'intent da promover la transformaziun digitala en il chantun Grischun, en spezial per:

- augmentar la cumpetitivad e la forza innovativa dal Grischun sco lieu economic;
- render pli attractiv il Grischun sco lieu d'abitar e sco lieu economic; u
- avrir potenzials supplementars da valorisaziun en il Grischun.

¹⁾ DG [110.100](#)

²⁾ Seite ...

Art. 2 Credit d'impegn general

¹ Per promover la transfurmaziun digitala en il chantun Grischun en il senn da questa lescha conceda il cussegl grond in credit d'impegn general da 40 milliuns francs.

² Il cussegl grond fixescha quest credit en atgna cumpetenza.

Art. 3 Instruments da promoziun

¹ Il chantun po conceder contribuziuns a projects d'interpresas sco er d'instituziuns e d'organisaziuns che prestan ina contribuziun a favur da la transfurmaziun digitala en il Grischun.

² Agens projects ed atgnas mesiras dal chantun vegnan finanziads, sch'els prestan ina contribuziun a favur da la transfurmaziun digitala en il Grischun.

³ Il chantun po constituir cooperaziuns u sa participar ad instituziuns, ad organisaziuns u a purtaders e cofinanziar quellas e quels, sch'i vegnan realisads projects che prestan ina contribuziun a favur da la transfurmaziun digitala en il Grischun.

Art. 4 Dimensiun da la promoziun

¹ Contribuziuns pon vegnir concedidas en la dimensiun da maximalmain 50 pertschient dals custs d'investiziun e da maximalmain 50 pertschient dals custs da gestiun per ils emprims 4 onns da gestiun.

² Agens projects ed atgnas mesiras dal chantun pon vegnir finanziads cumplainamain dal chantun. La finanziaziun dal manaschi è limitada a maximalmain 8 onns.

³ En cas da cooperaziuns e da participaziuns po il chantun cofinanziar durant maximalmain 8 onns la part dals custs che sa chatta en ses interess.

Art. 5 Secturs da promoziun

¹ La promoziun tenor questa lescha vegn fatga oravant tut en ils suandants secturs:

- a) economia;
- b) furmaziun;
- c) fatgs da sanadad;
- d) mobilitad e traffic.

Art. 6 Execuziun

¹ L'execuziun da questa lescha è chausa da la regenza. Ella relascha las disposiziuns executivas necessarias.

Art. 7 Giurisdicziun

¹ Cunter decisziuns dals departaments davart prestaziuns da promoziun, per las qualas i n'exista nagin dretg, poi vegnir fatg recurs tar la regenza. Quella decida definitivamain.

Art. 8 Valur temporala da la lescha

¹ La lescha vala fin ch'il credit d'impegn general è consumà u fin ch'el scada, maximalmain fin ils 31 da december 2030.

II.

Il relasch "Lescha per promover il svilup economic en il chantun Grischun (lescha davart il svilup economic, LSE)" DG [932.100](#) (versiun dals 01-01-2016) vegn midà sco suonda:

Art. 18 al. 1 (midà)

¹ Il cussegl grond conceda in credit d'impegn general ch'è limità fin l'onn-~~2023~~ **2028** per promover infrastructuras ch'èn impurtantas per il sistem.

III.

Naginas aboliziuns d'alters relaschs.

IV.

Questa lescha è suttamessa al referendum facultativ.
La regenza fixescha il termin da l'entrada en vigur.